

ZAPISNIK

sa devetnaeste redovne sjednice Upravnog odbora Univerziteta u Tuzli održane u **ponedjeljak 22.02.2023. godine**, sa početkom u **13,00 sati i nastavkom u petak, 03.03. 2023. godine**, sa početkom u **13,00 sati**, u Sali za sjednice Rektorata Univerziteta u Tuzli

Na devetnaestoj redovnoj sjednici (prvi dio) prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Suad Hasanović, Omer Beširović, Amela Dedić, dr.sci. Kenan Mandžić, red.prof., dr.sci. Franc Andrejaš, vanr.prof. i dr.sci. Anita Petrović, vanr.prof. Sjednici nisu prisustvovala: Adela Mustafagić Šaldić i Emina Duranović, student, koja je izostanak opravdala.

Osim članova Upravnog odbora sjednici su prisustvovali: Prorektor za osiguranje kvaliteta i internu evaluaciju dr. sci. Damir Zenunović, red. prof. u svojstvu zamjenika Rektorice po punomoći, a zbog njene odsutnosti sa posla, Generalni sekretar Jasmina Berbić dipl. pravnik, te u svojstvu izvjestilaca po pojedinim tačkama dnevnog reda: Direktor za ekonomske poslove Husein Matović, šef Službe za pravne, kadovske i opšte poslove, Šejla Fazlić, dipl. pravnik, Viši stručni saradnik zaštite na radu i zaštite od požara Ilvana Ikinčić.

Sjednici je prisustvovao i Ahmo Muhić, dipl. pravnik, sekretar Upravnog odbora.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio devetnaestu redovnu sjednicu Upravnog odbora.

Dao je na usvajanje predloženi dnevni red. Predložio je i obrazložio razlog za dopunu dnevnog reda, da se dnevni red dopuni novim tačkama 2. i 3. i to: 2. Upoznavanje sa Zaključkom Predsjednika Upravnog odbora broj: 04-840-1-3/23-1 od 22.02.2023. godine i 3. Razmatranje nacrtu Odgovora Ministru obrazovanja i nauke Tuzlanskog kantona traženog aktom broj 10/1-34-002580/23 od 08.02.2023. godine. Ranije predložene tačke 2. i 3. bi se razmatrale kao tačke 4. i 5. i tako redom.

Prorektor za osiguranje kvaliteta i internu evaluaciju dr. sci. Damir Zenunović, red. prof. je predložio i obrazložio razloge da se predložena posljednja tačka dnevnog reda - Upoznavanje sa Zaključkom Senata Univerziteta u Tuzli broj:03-741-1-20/23 od 08.02.2023. godine razmotri odmah nakon ranije predložene tačke 9. dnevnog reda.

Nakon što je usvojio Prijedlog za izmjene i dopune u predloženom dnevnom redu, Upravni odbor je za ovu sjednicu jednoglasno usvojio sljedeći

DNEVNI RED:

1. Usvajanje Zapisnika sa 18. redovne sjednice Upravnog odbora Univerziteta u Tuzli
2. Upoznavanje sa Zaključkom Predsjednika Upravnog odbora broj: 04-840-1-3/23-1 od 22.02.2023. godine
3. Razmatranje nacrtu Odgovora Ministru obrazovanja i nauke Tuzlanskog kantona traženog aktom broj 10/1-34-002580/23 od 08.02.2023. godine
4. Razmatranje prijedloga Odluke Senata Univerziteta o izmjenama i dopunama Statuta JU Univerzitet u Tuzli broj:03-741-1-2/23 od 08.02.2023. godine
5. Razmatranje i usvajanje Izvještaja o finansijskom poslovanju za 2022.godinu
6. Razmatranje prijedloga Odluke o izmjenama Odluke o usvajanju Plana nabavki NIR-ova fakulteta Univerziteta za 2023.godinu
7. Upoznavanje sa Izvještajem Direktora za ekonomske poslove po Zaključku Upravnog odbora broj: 04-422-1-3.1/23 od 26.01.2023. godine
8. Donošenje Odluke o izmjeni i dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
9. Upoznavanje sa Zaključkom Senata Univerziteta u Tuzli broj:03-741-1-20/23 od 08.02.2023. godine
10. Razmatranje Zahtjeva za zaštitu prava ██████████

11. Razmatranje Izvještaja o radu Generalnog sekretara za 2022.godinu
12. Razmatranje i usvajanje Programa mjera zaštite na radu i zaštite od požara Univerziteta u Tuzli za 2023. godinu
13. Razmatranje Informacije Direktora za ekonomske poslove u vezi obrasca - „Nastavak indeksa“
14. Upoznavanje sa Informacijom Rektorice po Zaključku Upravnog odbora broj: 04-422-1-5/23 od 26.01.2023. godine
15. Upoznavanje sa Informacijom Rektorice po Zaključku Upravnog odbora broj: 04-422-1-9/23 od 26.01.2023. godine
16. Razmatranje Informacije Naučno-nastavnog vijeća Fakulteta za tjelesni odgoj i sport broj: 02/11-570-1.5/23 od 31.01.2023. godine

Rad na sjednici:

TAČKA 1.

Usvajanje Zapisnika sa 18. redovne sjednice Upravnog odbora Univerziteta u Tuzli

Sekretar Upravnog odbora, Ahmo Muhić, dipl. pravnik je izvijestio Upravni odbor o sadržaju zapisnika sa 18. redovne sjednice Upravnog odbora.

Upravni odbor je sa 6 glasova „za“ i jednim glasom „suzdržan“, većinom glasova od ukupnog broja članova, usvojio zapisnik sa 18. redovne sjednice Upravnog odbora.

TAČKA 2.

Upoznavanje sa Zaključkom Predsjednika Upravnog odbora broj: 04-840-1-3/23-1 od 22.02.2023. godine

Predsjednik Upravnog odbora prof. dr. Semir Ahmetbegović upoznao je članove Upravnog odbora sa Zaključkom broj: 04-840-1-3/23-1 od 22.02.2023. godine koji je on donio radi ispravke greške u pisanju Odluke Upravnog odbora broj: 04-840-1-3/23 od 17.02.2023. godine.

Greška je ispravljena tako što se datum donošenja Odluke označen u nazivu organa i preambuli odluke, označen na dan 13.02.2022. godine, zamjenjuje datumom donošenja odluke, 17.02.2023. godine kada je i stvarni datum donošenja Odluke.

Upravni odbor se saglasio sa Zaključkom i jednoglasno verificirao sadržaj istog.

TAČKA 3.

Razmatranje nacрта Odgovora Ministru obrazovanja i nauke Tuzlanskog kantona traženog aktom broj 10/1-34-002580/23 od 08.02.2023. godine

Predsjednik Upravnog odbora prof. dr. Semir Ahmetbegović upoznao je prisutne članove Upravnog odbora sa nacrtom Odgovora Ministru obrazovanja i nauke Tuzlanskog kantona traženog aktom broj 10/1-34-002580/23 od 08.02.2023. godine koji je on, zajedno sa članom Upravnog odbora Suadom Hasanovićem pripremio po Zaključku Upravnog odbora.

Upravni Odbor je razmotrio Odgovor postupnim isčitavanjem i prikazivanjem video prezentacijom uz odgovarajuće korekcije o kojima su se članovi Upravnog odbora jednoglasno izjasnili.

Nakon diskusije, Upravni Odbor je jednoglasno utvrdio sljedeći

Odgovor

Ministru obrazovanja i nauke Tuzlanskog kantona tražen aktom broj 10/1-34-002580/23, od 08.02.2023. godine

Poštovani Ministre,

Dana 09.02.2023. godine Upravnom odboru je putem protokola broj 04-874-1 dostavljen akt upućen od Ministarstva obrazovanja i nauke Tuzlanskog kantona, koji je potpisan od Ministra dr. sci. Ahmeda Omerovića, u kojem se od Upravnog odbora traži da hitno, a najdalje u roku od 15 dana, dostavi Informaciju o razlozima trenutne pozicije Univerziteta u Tuzli u odnosu na druge Univerzitete u Bosni i Hercegovini.

Sa sadržajem navedenog akta članovi Upravnog odbora Univerziteta u Tuzli su upoznati na 25. vanrednoj sjednici, te je donesen Zaključak da tekst odgovora na dostavljeni akt upućen od Ministarstva obrazovanja i nauke Tuzlanskog kantona, pripreme Predsjednik Upravnog odbora Dr. sc. Semir Ahmetbegović i član Dr. sc. Suad Hasanović, te da se isti razmatra i usvoji na 19. Redovnoj sjednici Upravnog odbora koja će biti održana 22.02.2023. godine.

Uvaženi Ministre, cijeneći sve napore i mjere koje je poduzelo Ministarstvo obrazovanja i nauke Tuzlanskog kantona, Vlada Tuzlanskog kantona, Skupština Tuzlanskog kantona, navedene u aktu broj 10/1-34-002580/23, od 08.02.2023. godine, te druge mjere usmjerene prema Univerzitetu u Tuzli, Upravni odbor je također saglasan da trenutna pozicija Univerziteta nije zadovoljavajuća.

Upravni odbor je mišljenja da svojim radom nije doprinio ovoj situaciji, odnosno smatramo da je maksimalnim zalaganjem dao nemjerljiv doprinos u popravljanju stanja, te riješio brojna pitanja koja su ostala iz ranijeg perioda, ali i rješavao tekuće probleme.

Konkretno, Upravni odbor Univerziteta u Tuzli nema velika ovlaštenja kada je u pitanju rangiranje Univerziteta, jer su to uglavnom akademska pitanja.

Ipak, kao prvo, napominjemo, da je prilikom prvog značajnijeg pada Univerziteta u Tuzli na **webometrics** listi, koji se desio u januaru 2022. godine, Predsjednik Upravnog odbora se odmah odazvao hitnom sastanku organizovanom od Prorektora za NIR Univerziteta u Tuzli, na kojem je ponuđena sva podrška, kako Upravnog odbora, tako i Ministarstva obrazovanja i nauke Tuzlanskog kantona a sve sa ciljem popravljnja pozicije Univerziteta na navedenoj listi.

Nakon ovog sastanka, Upravni odbor nije dobio nikakve prijedloge i mjere koji bi konkretno mogli doprinijeti poboljšanju pozicije Univerziteta u Tuzli.

Drugo, u novembru 2022. godine, članovi Upravnog Odbora su zatražili sastanak sa Ministrom obrazovanja i nauke Tuzlanskog kantona, koji je održan 07.11.2022. godine s početkom u 14.00 sati. Na tom sastanku bili su prisutni članovi Upravnog odbora ispred Osnivača koji su Vam iznijeli mišljenje, ali i sumnju, da novi usvojeni Standardi i normativi visokog obrazovanja TK, pored činjenice da će riješiti brojne probleme, neće moći doprinijeti vidljivosti Univerziteta, odnosno neće stimulirati ili omogućiti povećanje naučno-istraživačkog rada nastavnog osoblja Univerziteta u Tuzli.

Također, istaknuta je činjenica da Upravni odbor ima svu potrebnu podršku u radu od strane Ministarstva obrazovanja i nauke Tuzlanskog kantona.

Treće, Upravni odbor je na 18. redovnoj sjednici održanoj 26.01.2023. godine, kao tačku dnevnog reda imao „Donošenje Odluke o usvajanju plana nabavki Univerziteta za 2023. godinu“.

Na toj sjednici, značajno je izmijenjen Prijedlog plana nabavki Univerziteta upravo vodeći se diskusijom da predloženi Plan ne doprinosi vidljivosti Univerziteta, a konkretno je navedena webometrics rang lista.

Iz Prijedloga plana nabavki Univerziteta nije prihvaćena stavka pod R.b. 148. *Radovi na rekonstrukciji objekata Univerziteta i dijela vanjskog uređenja* u iznosu od 608.300,00 KM bez PDV, kao Vlastiti prihod Univerziteta, jer nismo imali konkretno i jasno obrazloženje o istoj (planirana ulaganja u objekte izvan Kampusa Univerziteta), kao i stavka R.b. 109. *Izrada studije održivosti projekta Kampusa Univerziteta u Tuzli* s prijedlogom da istu radi Univerzitet iz vlastitih kapaciteta, te neke druge planirane aktivnosti manjeg iznosa za koje smo utvrdili da ne doprinose vidljivosti Univerziteta.

Također, nismo prihvatili stavku pod rednim brojevima 92. i 96., odnosno *Pretplate na stručne i naučne časopise* u iznosu od 1.500,00 KM bez PDV i *Objava radova/pretplata na baze podataka* u iznosu od 6.000,00 KM smatrajući ih nedovoljnim za potrebe Univerziteta.

Dali smo punu podršku stavci pod R.b. 145. *Nabavka platforme za podršku univerzitetkim poslovnim procesima* u iznosu od 70.000,00 KM bez PDV, na čemu insistiramo još od Konstituirajuće sjednice, o čemu se dokazi mogu naći u zaključcima i zapisnicima sjednica Upravnog odbora.

Uvaženi Ministre, u prilogu ovog dokumenta je i Izvještaj o radu Upravnog odbora Univerziteta u Tuzli urađen po Zaključku Upravnog odbora broj: 04-422-1-11/23 od 26.01.2023. godine. Uz sadržaj istog napominjemo da sjednice Upravnog odbora traju, uglavnom, duže od tri sata, a najduža je, sa nastavkom trajala punih 14,5 sati, uz konstataciju da se sve odluke Upravnog odbora, uglavnom, donose jednoglasno.

Također, dužni smo istaći da su svi materijali koji su upućeni Upravnom odboru uzeti u razmatranje, a sve sa ciljem što boljeg i kvalitetnijeg rada iz nadležnosti Upravnog odbora. Nakon dobivanja informacija o prispjelim novim materijalima, sjednice Upravnog odbora su zakazivane u najkraćem mogućem roku, kako bi omogućili nesmetan rad Univerziteta i podorganizacionih jedinica, fakulteta.

Bitno je napomenuti da Upravni odbor do sada niti jednom svojom odlukom nije prouzrokovao sudski spor koji bi bio na štetu Univerziteta.

U prilogu:

Izvještaj o radu Upravnog odbora Univerziteta u Tuzli urađen po Zaključku Upravnog odbora broj: 04-422-1-11/23 od 26.01.2023. godine.

TAČKA 4.

Razmatranje prijedloga Odluke Senata Univerziteta o izmjenama i dopunama Statuta JU Univerzitet u Tuzli broj:03-741-1-2/23 od 08.02.2023. godine

U ime predlagača, Rektorice Univerziteta, njen zamjenik prof. dr. sc. Damir Zenunović je predložio da Prijedlog Odluke o izmjenama i dopunama Statuta prezentira Generalni sekretar Jasmina Berbić, dipl. pravnik. Uz saglasnost predsjedavajućeg, Generalni sekretar je prezentirala prijedlog Odluke i obrazloženje koje je utvrdio i predložio Senat Univerziteta. Upoznala je prisutne članove Upravnog odbora da je Ministarstvo obrazovanja i nauke, dostavilo odgovor po Zahtjevu Rektorice u vezi implementacije odredbe člana 20. Zakona o visokom obrazovanju ("Službene novine Tuzlanskog kantona", broj: 16/22) te obavijestila da je neposredno prije sjednice isti dala na uvid, u fotokopiji Predsjedniku Upravnog odbora.

Elektronskim putem Dopis je prikazan svim prisutnim članovima Upravnog odbora.

U toku rasprave članovi upravnog odbora su istakli primjedbu da Prijedlogom Odluke nije implementirana odredba člana 20. Zakona o izmjenama i dopunama Zakona o visokom obrazovanju. Nakon rasprave Upravni odbor je jednoglasno donio

ZAKLJUČAK

Prijedlog Odluke o izmjenama i dopunama Statuta JU Univerzitet u Tuzli broj: 03-741-1-2/23 od 08.02.2023. godine, vraća se Senatu Univerziteta u Tuzli radi usklađivanja sa svim odredbama Zakona o izmjenama i dopunama Zakona o visokom obrazovanju ("Službene novine Tuzlanskog kantona", broj: 16/22).

Konstatovano je da će se u prilogu Zaključka dostaviti navedeni akt Ministarstva.

TAČKA 5.

Razmatranje i usvajanje Izvještaja o finansijskom poslovanju za 2022.godinu

Direktor za ekonomske poslove Husein Matović, dipl. ecc. informisao je članove Upravnog odbora o prijedlogu Izvještaja, nakon čega je Upravni odbor donio

ZAKLJUČAK

Ispred članova Upravnog odbora iz reda Osnivača, Izvještaj o finansijskom poslovanju Univerziteta u Tuzli za 2022. godinu, dostaviti će se Ministarstvu obrazovanja i nauke TK na davanje mišljenja.

TAČKA 6

Razmatranje prijedloga Odluke o izmjenama Odluke o usvajanju Plana nabavki NIR-ova fakulteta Univerziteta za 2023.godinu

Nakon što se upoznao sa prijedlogom Odluke Upravni odbor je zaključio da se odlaže odlučivanje po istom za narednu redovnu sjednicu do utvrđivanja načina objave Odluke o planu nabavki NIR-ova fakulteta u skladu sa Mišljenjem Agencije za javne nabavke obzirom da Odluku još uvijek nije moguće objaviti i realizirati.

TAČKA 7

Upoznavanje sa Izvještajem Direktora za ekonomske poslove po Zaključku Upravnog odbora broj: 04-422-1-3.1/23 od 26.01.2023. godine

Direktor za ekonomske poslove Husein Matović, dipl. ecc. informisao je članove Upravnog odbora o Mišljenju Agencije za javne nabavke u vezi načina objavljivanja Plana nabavki naučno-istraživačkog rada fakulteta na Portalu javnih nabavki.

Nakon rasprave i nakon što je upoznat sa Mišljenjem Agencije, Upravni odbor je jednoglasno donio

ZAKLJUČAK

I

Zadužuje se Služba za javne nabavke da pripremi i Upravnom odboru dostavi Prijedlog Odluke o izmjenama i dopunama Odluke o usvajanju Plana nabavki Univerziteta u Tuzli za 2023. godinu u skladu sa svim zaključcima Upravnog odbora koji su doneseni u vezi sa ovom Odlukom.

II

Obrazloženi prijedlog Odluke iz tačke I ovog Zaključka treba sadržavati i prijedloge za stavljanje van snage ranije Odluke u vezi sa planovima javnih nabavki, a sve u skladu sa Mišljenjem Agencije za javne nabavke Bosne i Hercegovine broj:04-02-1-268-2/23 od 02.02.2023. godine.

TAČKA 8

Donošenje Odluke o izmjeni i dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Sekretar Upravnog odbora je informisao članove Upravnog odbora sa Odlukom vlade Tuzlanskog kantona broj: 02/1-34-728-1/23 od 14.02.2022. godine kojom je data saglasnost na Prijedlog Odluke koji je ranije utvrdio Upravni odbor, nakon čega je Upravni odbor jednoglasno donio

ODLUKU

o izmjeni i dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Član 1.

U članu 8. Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/2023. godine broj: 04-3305-1-1/22 od 15.06.2022. godine i broj: 04-4799-1-2/22 od 13.09.2022. godine stav (1) mijenja se i glasi: „(1) Student prvog i integriranog prvog i drugog ciklusa studija Univerziteta (državljanin BiH, strani državljanin i lice bez državljanstva), kao i student u statusu apsolvanta prilikom upisa u akademsku godinu plaća premiju osiguranja u iznosu od 3,70 KM (tri i 70/100 konvertibilnih maraka) za akademsku godinu.

Iza stava (1) dodaje se novi stav (2) koji glasi:

„(2) Studentima iz stava 1. ovog člana koji su prilikom upisa u odgovarajuću godinu studija u akademskoj 2022/23. godini uplatili premiju osiguranja u iznosu od 4,00 KM, više uplaćeni iznos od 0,30 KM će se uračunati u participaciju/školarinu za ljetni semestar tekuće akademske godine“.

Dosadašnji stav (2) koji postaje stav (3) mijenja se i glasi:

„(3) Student prvog i integrisanog prvog i drugog ciklusa studija, osim studenta apsoluta i studenta imatrikulanta, plaća naknadu za elektronsku prijavu ispita u iznosu od 7,50 KM za akademsku, godinu prilikom upisa u narednu ili obnovu studijske godine“.

Dosadašnji stavovi 3, 4 i 5. postaju stavovi 4,5 i 6.

Član 2.

Ova Odluka će se primjenjivati počev od akademske 2022/23. godine.

TAČKA 9

Upoznavanje sa Zaključkom Senata Univerziteta u Tuzli broj:03-741-1-20/23 od 08.02.2023. godine

Prof. dr. sc. Damir Zenunović je informisao članove Upravnog odbora o novim okolnostima u vezi implementacije Strategije razvoja Kampusa Univerziteta, te činjenicom da je Gradsko vijeće Tuzla usvojilo Regulacioni plan Kampusa Univerziteta tako, da su stvorene sve pretpostavke za implemntaciju Strategije. Informisao je članove Upravnog odbora i sa Zaključkom Senata u vezi Zahtjeva Ministarstva pravosuđa i uprave Tuzlanskog kantona za potrebe smještaja arhivske građe pravosudnih institucija sa područja Tuzlanskog kantona u objektu KN-26 koji se nalazi u Kampusu Univerziteta.

Nakon diskusije, Upravni odbor je jednoglasno donio

ZAKLJUČAK

I

Upravni odbor Univerziteta u Tuzli podržava stav Senata Univerziteta iz Zaključka broj: 03-741-1-20/23 od 08.02.2023. godine, a u vezi roka produženja važenja Ugovora o davanju nekretnine na privremeno korištenje Ministarstvu pravosuđa i uprave Tuzlanskog kantona za potrebe smještaja arhivske građe pravosudnih institucija sa područja Tuzlanskog kantona u objektu KN-26 koji se nalazi u Kampusu Univerziteta.

II

Upravni odbor daje saglasnost Rektorici za zaključivanje novog ugovora iz tačke I ovog Zaključka u skladu sa stavom Senata navedenim u Zaključku.

TAČKA 10

Razmatranje Zahtjeva za zaštitu prava ██████████

Šef Službe za pravne, kadrovske i opšte poslove, Šejla Fazlić, dipl. pravnik je informisala Upravni odbor sa sadržajem Zahtjeva učesnika Oglasa za prijem u radni odnos na neodređeno vrijeme na radno mjesto „Pomoćni kuhar“ - 1 izvršilac. Informisala je i o Odluci Rektorice kojom nije izvršen prijem kandidata u radni odnos, te evaluiranju prijave podnosioca zahtjeva koja je ocijenjena kao nepotpuna, te reazlozima za takvu ocjenu iste. Predložila je da se Zahtjev odbije kao neosnovan.

Nakon što je ostvario uvid u Odluku Rektorice, i navode u Zahtjevu podnositelja, Upravni odbor je jednoglasno donio

ODLUKU

I

Zahtjev za zaštitu prava ██████████ na Odluku Rektora Univerziteta u Tuzli broj: 01-7241-1-VII-2/22 od 24.01.2023. godine, odbija se kao neosnovan.

II

Ova Odluka je konačna na osnovu člana 35.stav (4) prtaviolnika o radu.

Obrazloženje

Odlukom Rektorice Univerziteta u Tuzli broj: 01-7241-1-VII-2/22 od 24.01.2023. godine utvrđeno je da se ne vrši prijem kandidata u radni odnos na neodređeno vrijeme na radno mjesto „Pomoćni kuhar” - I izvršilac po Oglasu objavljenom u dnevnom listu “Dnevni avaz“ od 24.12. i 25.12.2022. godine.

Protiv ove Odluke, blagovremeno, dana 04.02.2023. godine, Zahtjev za zaštitu prava podnio je učesnik oglasa [REDACTED]

U Zahtjevu navodi da isti ulaže zbog pogrešne primjene materijalnog prava, povrede postupka, povrede činjeničnog stanja, povrede prava lica u radnom odnosu, kao i povrede prava penzionera i demobilisanog borca.

Smatra da sa srednjom stručnom spremom ekonomskog smjra može obavljati posao pomoćnog kuhara iako ista nije srodna sa srednjom turističkom i ugostiteljskom školom.

Ističe da je za vrijeme služenja vojnog roka bio kuhar u vojsci ali o tome nije dostavljena evidencija nadležnog organa o čemu prilaže Obavještenje Ministarstva rada i boračko invalidske zaštite Republike Srpske broj:16-03/3.2-2-836-1228/22 od 13.12.2022. godine .

Zahtjev je neosnovan iz sljedećih razloga:

U postupku preispitivanja žalbenih razloga navedenih u zahtjevu, ostvaren je uvid u pobijanu Odluku Rektorice Univerziteta. Na osnovu Izvještaja Komisije za provođenje postupka izbora kandidata za prijem u radni odnos na neodređeno vrijeme, nesporno je da je podnosilac Zahtjeva podnio prijavu na raspisani Oglas Univerziteta u Tuzli za prijem u radni odnos na neodređeno vrijeme na radno mjesto “Pomoćni kuhar” na Univerzitetu u Tuzli, objavljen u dnevnom listu „Dnevni avaz” od 24.12. i 25.12.2022. godine. Komisija za provođenje postupka izbora kandidata za prijem u radni odnos na neodređeno vrijeme po navedenom Oglasu njegovu prijavu je ocijenila nepotpunom, iz razloga što uz istu nije dostavio dokaze tražene Oglasom i to: potpisan prijavni obrazac, uvjerenje o državljanstvu ne starije od 6 mjeseci, ovjerenu izjavu da mu odlukom Suda nije zabranjeno obavljanje poslova na koje aplicira, ovjerenu izjavu da se na kandidata ne odnosi član IX.1, Ustava BiH, uvjerenje o radnom iskustvu, te je dostavio neovjerenu fotokopiju diplome o završenom stepenu stručne spreme.

Nesporno je utvrđena i činjenica da je pobijana Odluka dostavljena podnosiocu zahtjeva, te da u Zahtjevu ne spori navode u pobijanoj Odluci koji u skladu sa navodima u Oglasu predstavljaju smetnju da se njegova prijava može ocijeniti kao potpuna, čime bi ostvario pravo učešća u postupku izbora.

U članu 27. stav (1) Pravilnika o radu Univerziteta u Tuzli (Drugi preprečišćeni tekst) propisano je da pravo učešća u postupku izbora imaju svi kandidati čije su prijave uredne, potpune i blagovremene.

Prijava, podnosioca zahtjeva je nepotpuna iz prednje navedenih razloga, što on u zahtjevu i ne spori.

Na osnovu tih činjenica Komisija je ispravno postupila u skladu sa članom 31. Pravilnika o radu kada je Rektorici Univerziteta dostavila Izvještaj u kojem je prijavu podnosioca ocijenila nepotpunom, te navela razloge za takvu ocjenu.

Na osnovu nespornih činjenica iz Izvještaja Rektorica Univerziteta je donijela pravilnu Odluku u skladu sa članom 31. i 32. Pravilnika o radu Univerziteta.

Na prijedlog Predsjednika Upravnog odbora prof. dr. Semira Ahmetbegovića Upravni odbor je jednoglasno zaključio da se o Izvještaju Generalnog sekretara raspravlja na nastavku sjednice koji će saopštiti na kraju današnjeg dijela sjednice jer nije moguće raspraviti sve tačke dnevnog reda u toku današnjeg dana.

Predložio je da se zbog pristupa izvjestioca Ilvane Iljkić, na današnjem dijelu razmotri i tačka 12 dnevnog reda. Upravni odbor je prihvatio prijedlog.

TAČKA 12

Razmatranje i usvajanje Programa mjera zaštite na radu i zaštite od požara Univerziteta u Tuzli za 2023. godinu

Izjavitelj Ilvana Iljkić, informisala je članove Upravnog odbora sa prijedlogom Programa mjera zaštite na radu i zaštite od požara Univerziteta u Tuzli za 2023. godinu. Bez primjedbi i prijedloga za izmjene, Upravni odbor je jednoglasno donio

PLAN I PROGRAM MJERA ZAŠTITE NA RADU I ZAŠTITE OD POŽARA ZA 2023. GODINU

I

Plan i program mjera zaštite na radu i zaštite od požara za 2023. godinu utvrđuje ciljeve i zadatke organizovanja i unapređenja procesa rada, stvaranja i poboljšanja uslova rada i preduzimanja mjera zaštite na radu i zaštite od požara, a kojima se obezbjeđuje sigurnost radnika na radu, a naročito:

1. Unapređenje tehnologije, sredstava za rad i radne okoline;
2. Osposobljavanje i stručno usavršavanje radnika za siguran rad u oblasti zaštite na radu i zaštite od požara;
3. Unapređenje zdravstvene zaštite radnika;
4. Razvoj i osposobljavanje kadrova koji se bave zaštitom na radu i zaštitom od požara;
5. Ostvarivanje uslova za prilagođavanje postojećih poslova za radnike sa umanjenom radnom sposobnošću.

II

Plan i program mjera sadrži rokove za mjere i aktivnosti koje treba realizovati u toku godine, izvršioce i planirana finansijska sredstva.

Pored obaveza iz prethodnog stava ove tačke Plana i programa mjera sadrži i mjere koje se odnose naročito na:

1. Otklanjanje utvrđenih nedostataka u radnim i pomoćnim prostorijama u kojima radnici rade ili se kreću, kao i na sredstvima za rad;
2. Izmjena neispravnih i dotrajalih instalacija, sanitarnih uređaja i dr.;
3. Periodična ispitivanja sredstava za rad, opreme i uređaja, instalacija i sistema;
4. Periodični pregledi i kontrolna ispitivanja aparata za gašenje požara;
5. Periodični pregledi i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama;
6. Obezbeđenje prethodnih i periodičnih ljekarskih pregleda za radnike sa posebnim uslovima rada, te sistematskih ljekarskih pregleda za sve radnike;
7. Nabavka i korištenje sredstava i opreme za ličnu zaštitu na radu i radne opreme;
8. Procjena rizika i izrada akta o procjeni rizika za svako radno mjesto i mjesto rada u radnoj okolini.

III

Program mjera sa izvršiocom posla po Ugovoru i rokovima njihove realizacije dat je u tabelarnom prilogu kako slijedi.

Univerzitet u Tuzli		PROGRAM MJERA IZ OBLASTI ZAŠTITE NA RADU I ZAŠTITE OD POŽARA			Strana: 1
Redni broj	Mjera zaštite	Izvršilac	Rok/mjesec	Sredstva	
1.	Izrada Programa mjera za 2023. godinu.	Viši stručni saradnik za ZNR i ZOP	Mart	-	
2.	Ispitivanje ventila sigurnosti po objektima Univerziteta	Izvršilac po Ugovoru Nadzor: Viši	April/Maj	800,00 KM	

		stručni saradnik za ZNR i ZOP i Komisija po rješenju Rektora		
3.	Periodično ispitivanje i servisiranje sistema za dojavu požara	Izvršilac po Ugovoru Nadzor: Viši stručni saradnik za ZNR i ZOP	Juni/Decembar	1.200,00 KM
4.	Ispitivanje i servisiranje aparata za gašenje požara i hidrantske mreže	Izvršilac po Ugovoru Nadzor: Viši stručni saradnik za ZNR i ZOP	Juni/Decembar	6.000,00 KM
5.	Ispitivanje posuda pod pritiskom (PP aparati)	Izvršilac po Ugovoru Nadzor: Viši stručni saradnik za ZNR i ZOP	Decembar	800,00 KM
6.	Nabavka protivpožarnih aparata	Izvršilac po Ugovoru Nadzor: Viši stručni saradnik za ZNR i ZOP	Juni	1.000,00
7.	Obezbeđivanje ličnih zaštitnih sredstava po Pravilniku	Izvršilac po Ugovoru Nadzor: Viši stručni saradnik za ZNR i ZOP i Komisija po rješenju Rektora	Septembar	15.000,00 KM
8.	Usluge servisiranja liftova u objektima Univerziteta u Tuzli do 31.12.2023. godine	Izvršilac po Ugovoru Lica za nadzor po rješenju Rektora	Decembar	10.000,00 KM
9.	Obilazak radnih i pomoćnih prostorija i uređaja i opreme	Viši stručni saradnik za ZNR i ZOP	stalno	-
10.	Vođenje obaveznih evidencija iz oblasti zaštite na radu i zaštite od požara	Viši stručni saradnik za ZNR i ZOP	stalno	-
11.	Pregled i održavanje elektroenergetskih postrojenja	Izvršilac po Ugovoru Lica za nadzor po rješenju Rektora	Novembar	2.500,00 KM
12.	Izrada plana zaštite od požara za PAV II, III, FTOS, Medicinski fakultet i Edukacijsko rehabilitacijski fakultet	Komisija po rješenju Rektora	Decembar	-
13.	Sukcesivne usluge dezinfekcije, dezinfekcije i deratizacije za objekte Univerziteta i deviperizacije dijela prostora Kampusa	Izvršilac po Ugovoru Nadzor: Viši stručni saradnik za ZNR i ZOP i komisija po rješenju Rektora	Decembar	14.000,00 KM
14.	Sanitarni pregled nastavnog osoblja	Izvršilac po Ugovoru Nadzor: Viši	Novembar	6.000,00 KM

		stručni saradnik za ZNR i ZOP i Komisija po rješenju Rektora		
15.	Periodični ljekarski pregled radnika određene kategorije radnika, te radnika sa smanjenom radnom sposobnošću	Izvršilac po Ugovoru Nadzor: Viši stručni saradnik za ZNR i ZOP i Komisija po rješenju Rektora	April/Maj	4.000,00 KM
16.	Ljekarski pregled radnika na radnom mjestu koje uključuje rad u noćnoj smjeni	Izvršilac po Ugovoru Nadzor: Viši stručni saradnik za ZNR i ZOP i Komisija po rješenju Rektora	April/Maj	4.500,00 KM
17.	Pregled iz oblasti zaštite na radu (ispitivanje el. instalacija, sredstava rada, specijalističke obuke radnika, pregled dokumentacije i objekata)	Izvršilac po Ugovoru Nadzor: Viši stručni saradnik za ZNR i ZOP i Komisija po rješenju Rektora	Septembar	6.000,00 KM
18.	Usluge održavanja higijene objekata Univerziteta za period do 31.12.2023. godine	Izvršilac po Ugovoru Lice za nadzor po rješenju rektora	Decembar	50.000,00 KM
19.	Procjena rizika za svako radno mjesto i mjesto rada u radnoj okolini, te izrada akta o procjeni rizika sa periodičnim pregledom i ispitivanjem fizičkih, hemijskih i bioloških štetnosti i mikroklimu u radnim i pomoćnim prostorijama	Izvršilac po Ugovoru Nadzor: Viši stručni saradnik za ZNR i ZOP i komisija po rješenju Rektora	Decembar	25.000,00 KM
20.	Obuka radnika u oblasti zaštite od požara u skladu sa Zakonom o zaštiti od požara i vatrogastva i podzakonskim aktima	Komisija po rješenju Rektora	Maj-Oktobar	-
21.	Nabavka dopune za ormariće prve pomoći	Izvršilac po Ugovoru Nadzor: Viši stručni saradnik za ZNR i ZOP	Mart	1.000, 00 KM

IV

Finansiranje Plana i programa mjera zaštite na radu i zaštite od požara iz tačke III ovog Programa vršit će se iz sredstava Univerziteta. Predložene mjere se realizuju u zakonom propisanim rokovima iz oblasti zaštite na radu i zaštite od požara.

Nakon razmatranja tačke 12. dnevnog reda, Predsjednik Upravnog odbora je obrazložio da u toku današnjeg dana nije moguće raspraviti sva pitanja i donijeti odluke.

Iz tih razloga, a na osnovu člana 22. stav 1. Poslovnika o radu Upravnog odbora, Predsjednik Upravnog odbora je prekinuo sjednicu i obavijestio prisutne članove Upravnog odbora da će o nastavku sjednice biti naknadno obaviješteni.

Uputio je da Sekretara Upravnog odbora uz obavještenje dostavi i Poziv sa svim izmjenama i dopunama dnevnog reda svim članovima u terminu koji će on, u konsultaciji sa članovima naknadno odrediti.

Sjednica je prekinuta u 18 sati.

Po uputi Predsjednika, svi članovi Upravnog odbora su obaviješteni o nastavku prekinute sjednice za dan 03.03.2023. godine u 13,30 sati.

Nastavku prekinute 19. redovne sjednice 03.03.2023. godine u 13,30 sati prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Amela Dedić, dr.sci. Kenan Mandžić, red. prof. dr. sci. Anita Petrović, vanr.prof. dr.sci. Franc Andrejaš vanr.prof i Emina Duranović, student.

Nastavku sjednice nisu prisustvovali: Suad Hasanović, član i Adela Šaldić, član.

Osim članova Upravnog odbora sjednici su prisustvovali, Rektorica Univerziteta, dr. sc. Nermina Hadžigrahić, red, prof. i Generalni sekretar Jasmina Berbić. dipl. pravnik, te u svojstvu izvjestioca, Husein matović, dipl. ecc.

Sjednici je prisustvovao i Ahmo Muhić, dipl. pravnik, sekretar Upravnog odbora.

Nakon što je konstatovao da su ispunjeni uslovi za rad i odlučivanje, predsjednik Upravnog odbora je otvorio nastavak prekinute sjednice. Informisao je članove Upravnog odbora da je Upravni odbor na prvom dijelu sjednice raspravljao tačku 12. dnevnog reda te da je odložio raspravu po tački 11. dnevnog reda. Otvorio je raspravu po ovoj tački.

TAČKA 11

Razmatranje Izvještaja o radu Generalnog sekretara za 2022.godinu

Generalni sekretar Univerziteta Jasmina Berbić, dipl. pravnik je izvijestila prisutne članaove Upravnog odbora o Izvještaju o radu za 2022. godinu.

Nakon obavljene diskusije Upravni odbor je jednoglasno donio

Z A K L J U Č A K

Usvaja se Izvještaj o radu Generalnog sekretara Univerziteta Jasmine Berbić, dipl pravnika za 2022. godinu broj: 05/1-683-1/23 od 31.01.2023. godine, podnesen Upravnom odboru Univerziteta.

TAČKA 13

Razmatranje Informacije Direktora za ekonomske poslove u vezi obrasca - „Nastavak indeksa“

Informaciju je obrazložio Direktor za ekonomske poslove. Obavijestio je o broju studenata koji su u predmetnu svrhu kupili indekse po maloprodajnoj cijeni. Istakao je da orjentaciono oko 700 studenata ima potrebu za indeksom koji bi se upotrijebio za evidentiranje ocjena.

Nakon obavljene rasprave, Upravni odbor je jednoglasno donio

Z A K L J U Č A K

I

Obustavlja se odlučivanje po Prijedlogu Direktora za ekonomske poslove od 10.01.2023. godine za donošenje Odluke o dopuni Odluke o utvrđivanju maloprodajnih cijena obrazaca za upis studenata i izdavanje podataka iz službene evidencije Univerziteta u Tuzli.

II

Prijedlog se može ponovo dostaviti Upravnom odboru na postupanje nakon što se isti pravno i ekonomski detaljno obrazloži.

TAČKA 14

Upoznavanje sa Informacijom Rektorice po Zaključku Upravnog odbora broj: 04-422-1-5/23 od 26.01.2023. godine

Nakon što se upoznao sa Informacijom Rektorice dostavljene po Zaključku Upravnog odbora broj: 04-422-1-5/23 od 26.01.2023. godine, Upravni odbor je jednoglasno donio

ZAKLJUČAK

Prima se k znanju Informacija Rektorice Univerziteta u Tuzli broj: 01-682-3/23 od 13.02.2023. godine.

TAČKA 15

Upoznavanje sa Informacijom Rektorice po Zaključku Upravnog odbora broj: 04-422-1-9/23 od 26.01.2023. godine

Nakon što se upoznao sa Informacijom Rektorice dostavljene po Zaključku Upravnog odbora broj: 04-422-1-9/23 od 26.01.2023. godine, Upravni odbor je jednoglasno donio

ZAKLJUČAK

Prima se k znanju Informacija Rektorice Univerziteta u Tuzli broj: 01-973-1/23 od 15.02.2023. godine.

TAČKA 16

Razmatranje Informacije Naučno-nastavnog vijeća Fakulteta za tjelesni odgoj i sport broj: 02/11-570-1.5/23 od 31.01.2023. godine

Direktor za ekonomske poslove je informisao članove Upravnog odbora sa sadržajem Informacije Naučno-nastavnog vijeća te prilogom istoj- Uvjerenje Uprave za indirektno oporezivanje broj:04/5-1/IV-17-1-10-1386-1/22 od 27.12.2022. godine.

Članovi Upravnog odbora su video prezentacijom ostvarili uvid u sadržaj Uvjerenja.

Direktor za ekonomske poslove je obrazložio da, sobzirom na navod u Uvjerenju da Fakultet za tjelesni odgoj i sport nije u sistemu PDV-a, nema smetnje da se udovolji Prijedlogu Naučno-nastavnog vijeća da se iz predmetne Odluke Upravnog odbora izbriše tačka X.

Upravni odbor je jednoglasno donio

ODLUKU

o izmjeni Odluke o cijenama usluga naučno – istraživačkog i stručno-istraživačkog rada Fakulteta za tjelesni odgoj i sport

Član 1

U Odluci o cijenama usluga naučno-istraživačkog i stručno-istraživačkog rada Fakulteta za tjelesni odgoj i sport broj: 04-4562-1-8/22 od 07.09.2022. godine, tačka X se briše.

Dosadašnje tačke XI, XII i XIII postaju tačke X, XI i XII.

Član 2

Ova Odluka stupa na snagu danom donošenja.

Obrazloženje

Na prijedlog Naučno-nastavnog vijeća Fakulteta za tjelesni odgoj i sport broj: 02/11-2210-1.5/22 od 19.04.2022. godine, Upravni odbor je donio Odluku o cijenama usluga naučno – istraživačkog i stručno-istraživačkog rada Fakulteta za tjelesni odgoj i sport broj: 04-4562-1-8/22 od 07.09.2022. godine. U tački X Odluke propisano je: „Na navedene cijene dodatno se zaračunava porez na dodanu vrijednost (PDV)“. Naučno-nastavno vijeće Fakulteta za tjelesni odgoj i sport uputilo je Upravnom odboru Prijedlog broj: 02/11-6205-1.12/22 od 08.11.2022. godine kojim je predložilo da se izbriše tačka X predmetne Odluke. Kako uz prijedlog nije dostavljen dokaz, Upravni odbor je Zaključkom broj: 04-6615-1-7/22 od 30.11.2022. godine zatražio da Naučno-nastavno vijeće Fakulteta kao prilog Prijedloga o izmjeni Odluke o cijenama usluga naučno-istraživačkog rada, dostavi Uvjerenje Uprave za indirektno oporezivanje, da Fakultet za tjelesni odgoj i sport Univerziteta u Tuzli nije u sistemu PDV-a.

Postupajući po Zaključku Upravnog odbora, Naučno-nastavno vijeće je dostavilo Uvjerenje Uprave za indirektno oporezivanje-Regionalni centar Tuzla broj: 04/5-1/IV-17-1-10-1386-1/22 od 27.12.2022. godine.

Upravni odbor je razmotrio Prijedlog Naučno-nastavnog vijeća, te ostvario uvid u Uvjerenje Uprave za indirektno oporezivanje-Regionalni centar Tuzla broj: 04/5-1/IV-17-1-10-1386-1/22 od 27.12.2022. godine prema kojem Fakultet za tjelesni odgoj i sport nije upisan u Jedinstveni registar obveznika indirektnih poreza.

Cijeneći te činjenice, Upravni odbor je utvrdio da je Prijedlog Vijeća osnovan pa je i odlučio kao u dispozitivu ove Odluke.

Predsjednik upravnog odbora je predložio da se u dnevni red uvrsti tačka – Razno u okviru koje bi se razmotrilo pitanje – dostava Izvještaj o prisustvu sjedniocama Upravnog odbora, člana Adele Mustafagić Šaldić.

Upravni odbor je jednoglasno usvojio prijedlog Predsjednika.

Na prijedlog Predsjednika u okviru ove tačke dnevnog reda, Upravni odbor je jednoglasno donio

ZAKLJUČAK

Zadužuje se Sekretar Upravnog odbora Univerziteta da Upravnom Odboru dostavi Izvještaj o prisustvu sjedniocama Upravnog odbora, člana Adele Mustafagić Šaldić.

Sjednica je zaključena u 15 sati i 13 minuta.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-1047-1/23

Tuzla, 03.03.2023.godine

PREDSJEDNIK
UPRAVNOG ODBORA

dr. sc. Semir Ahmetbegović, vanr.prof.

